

**Datum:** 09.08.2021. godine

**Broj sjednice:** 40. radna sjednica

**Vrsta sjednice:** redovna

**Predmet:** Zastupničko pitanje

**Veza:** Vaš akt broj: 9368 od 27. 07. 2021. godine  
*dostavlja se*

Na osnovu članova 106. i 214. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12) upućujem sljedeća

### **ZASTUPNIČKA PITANJA**

Upućujem, u svrhu pojašnjenja dobivenog odgovora, set zastupničkih pitanja prema v.d. direktoru KJKP GRAS Senadu Mujagiću koja glase:

- 1)** Da li je tačna informacija da ženama koje su čistile vozila (tramvaji, trolejbusi, autobusi) više od godinu dana istekao ugovor i isti nije produžen?
- 2)** Da li su ove gospođe prale unutrašnjost (plafon, stakla, rukohvate, pod, stolice), te vanjski dio vozila?
- 3)** Da li su se vozila nakon njihovog prekida ugovora čistila i koliko puta dnevno?  
(Prema informacijama koje sam dobila samo na tramvajima dio ovih žena mjesečno je oprao preko 100 tramvaja.)

### **O B R A Z L O Ž E N J E**

Prije svega ovim putem želim da izrazim poštovanje prema svim radnicima preduzeća KJKP GRAS sa željom da stanje u firmi bude bolje na zadovoljstvo radnika, te građana Kantona Sarajevo. Dobiveni odgovor nije dao pravu informaciju na pitanja koja su zastupničkom inicijativom postavljena, te tražim pojašnjenja navedenih informacija. Napominjem Vas da prilikom odgovaranja na pitanja imate u vidu da se radi o ženama kojima su sve Vlade Kantona Sarajevo do sada produžavale ugovor, a na osnovu potreba KJKP GRAS, i koje su radile i za vrijeme kada Javni gradski saobraćaj nije radio zbog epidemiološke situacije vezane za virus Covid 19.

Nadalje prema izjavama generalnog direktora u Sarajevskom jutru na Televiziji Kantona Sarajevo od dana 28. 07. 2021. godine te ovim dopisom potvrdili ste da imate problem nedostatka osoblja zaduženog za higijenu vozila. Duboko vjerujem da se na ovim stvarima ne smije štediti prije svega zbog zdravlja korisnika usluga.

**Amra Hasagić, zastupnica**